

# فيديو # ٩٩٣ من مقاطع حظر التجول تدبر سورة الصافات # ٥

## الآيات ٢٦-٤٧

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ثلثية تسعة وتسعين. من مقاطع حظر التجول والحلقة الخامسة من حلقات تدبر سورة الصافات. ارجو من حضراتكم تجميعوا المصاحف تفتحوا معي سورة الصافات - [00:00:00](#)

افكركم امبارح تدبرنا مشاهد رائعة من مشاهد النعيم في الجنة وشفنا المؤمنين وهم بينعموا في الجنة وشفنا الاكل والشرب والقعدة والصحة والكلام والفرشة والسعادة اللي هم فيها ربنا يوعدنا واياكم بها - [00:00:26](#)

ثم انتهى المشهد بعضة من الله سبحانه وتعالى يعظ بها القارئ المتدبر لآيات الله اقرا معي الاية واحد وستين واثنين وستين وشف ربنا يقول لنا ايه واحنا قاعدين النهاردة في الفين واحد وعشرين بتدبر القرآن وبتدبر - [00:00:47](#)

بعد ما اطلعنا على مشهد رائع من مشاهد يوم القيامة وهو مشهد النعيم في الجنة. اقرا بقى واحد وستين اعوذ بالله السميع العليم من الشيطان الرجيم لمثل هذا فليعمل العاملون - [00:01:08](#)

كذلك خير نزلا ام شجرة الزقوم؟ انا جعلناها فتنة للظالمين فربنا بيحثنا وبيقول لنا المصير الجميل ده الفوز العظيم ده اللي عاوزه يشتغل له لمثل هذا فليعمل العاملون اللي عايز يعمل يعمل خيرات عشان ياخذ هذا عشان ينال هذا المصير - [00:01:25](#)

يبقى تعملوا الخيرات تعبدوا ربنا تسيطرنا على شهواتكم تقولوا الحق تنشروا العدل تحاربوا الزلم لكن لمثل هذا فليعمل العاملون يعني ايه؟ يعني الجنة فيه شغل بيتعمل عشان ندخلها. ما فيش حد هيدخل الجنة عشان كسب في سحب - [00:01:52](#)

ما فيش مسلا قرعة هتتعمل ففي ناس هتدخل الجنة اللي انا كسبت في القرعة. الجنة مش بالقرعة الجنة بيشتغلوا لها لمثل هذا فليعمل العاملون. يبقى ايه؟ الواحد يشمر ويبدأ يشتغل - [00:02:10](#)

قال النبي صلى الله عليه وسلم من خاف ادلج ومن ادلج بلغ المنزل الا ان سلعة الله غالية. الا ان سلعة الله الجنة يعني ايه من خاف ادلج المسافر في الصحراء اللي خايف ان الزاد اللي معه الاكل والشرب يخلص - [00:02:25](#)

فيهلك في الطريق في الصحرا ومفيش اكل وشرب ومدن بعيدة عن بعض هيضطر انه يمشي بالليل عشان يقطع المسافة عشان خاطر يوفر وقت وينجز من خاف ادلج يطلع يمشي بالليل. مش هيفضل مش هيريح اتناشر ساعة بالليل عشان الدنيا ضلمت. لأ يمشي. ولع حاجة ما مش - [00:02:47](#)

وامشي ومن ادلج بلغ المنزل. كده يقدر يوصل للمكان اللي هينزل فيه. المكان اللي هو يريد ان يبلغه الا ان سلعة الله غالية. الا ان سلعة الله الجنة الله هي الجنة. اللي عاوز يشتريها يدفع تمناها - [00:03:10](#)

يعني ايه؟ يعني الجنة مش ببلاش انت في الدنيا هنا بتركن في باركينج بتدفع فلوس بتدخل مطعم تعبان بتدفع فلوس. يعني الجنة بقى حبك هي دي اللي هتبقى ببلاش؟ الجنة مش ببلاش - [00:03:33](#)

لها تمن وتمن غالي غالي جدا كمان ايمان وعمل وقد يصل الامر الى تضحية بالنفس كمان كمل بقى واقرا معي واحد وستين واثنين وستين بهذا الفهم لمثل هذا فليعمل العاملون - [00:03:47](#)

كذلك خير نزلا ام شجرة الزقوم. المشهد اللي شفتوه في الجنة ده احسن ولا شجرة الزقوم؟ بص في اثنين وستين فذلك خير ذلك اسم اشارة للبعيد هنا ربنا بيشير لمنزلة المؤمنين في الجنة باسم اشارة للبعيد ليه - [00:04:04](#)

هل ربنا يريد انه يوصل لنا ان الجنة بعيدة المنال؟ لأ الجنة مش بعيدة المنال طب طب ليه احنا قلنا قبل كده لما نلاقي مسلا تلك ايات الكتاب المبين. تلك اسم اشارة للبعيد - [00:04:29](#)

ذلك الكتاب لا ريب فيه. اسم اشارة للبعيد. مع ان الكتاب جنبي على التراييزة مع ان الايات قدامي انا بقراها هنا لان اشارة لعلو المنزلة دي ايات نزلة من خارج العالم تنزيل من رب العالمين. فاشارة لعلو - [00:04:45](#)

منزلة كذلك آآ اذلك خير يعني هل هذه المرتبة العالية خير افضل نزلنا ام شجرة الزقوم. خير نزلنا يعني ايه يعني اللي انتم شفتوه في الجنة ده الاكل والشرب بتاع الجنة ده - [00:05:05](#)

ضيافة افضل ولا شجرة الزقوم؟ الطعام يا قلنا امبارح بيقال عليه رزق ايضا في الاية واحد واربعين لو تبص فيها بسرعة اولئك لهم رزق معلوم ليه؟ لان لما حد بييجي ينزل عليك ضيف - [00:05:27](#)

بتقدم له الضيافة بتاعته. فاحيانا تقول هاتوا الضيافة العنايات والضيافة. بتسمي الاكل ضيافة بتسمي الاكل اكرام هاتوا الاكرام بتاع الضيف. هنا نفس الكلام برضه هاتوا النزل بتاع الضيف. وراجل نزل عليك فانت بتقدم له الايه؟ الاكل بتاعه - [00:05:49](#)

خير نزلنا ام شجرة الزقوم دي بقى شجرة الزقوم دي ثلاثة وستين لغاية ستة وستين انا جعلناها فتنة للظالمين انها شجرة تخرج في اصل الجحيم طلوعها كانه رؤوس الشياطين فانهم لاكلون منها فمائلون منها البطون - [00:06:06](#)

يعني انا جعلناها فتنة للظالمين الكفار والملحدين دلوقتي ما بيحبوش اسم الملحدين والملحدين بيزعلوا قوي بتقول انهم كفار. مش فاهم ازاي! امال انتم ايه! مش فاهم مؤمنين مسلا! المهم الكفار والملحدين دلوقتي لما بيسمعوا - [00:06:37](#)

عن شجرة الزقوم حاجة من الاتنين يا بيبرق وبتدخلوا خشية في قلبه دي حالة نادرة يعني وفي الحالة دي ده اللي بيؤمن وبينجح في الاختبار حالات موجودة يعني بس مش المغلبيه يعني. يا اما بيسخروا منها - [00:07:00](#)

ويقولوا ها شجرة تطلع في النار! طب ازاي ويقعدوا بقى ويكذبوا آآ صريح القرآن. فبالتالي حتى الملحدين شجرة الزقوم بتبقى اختبار له. لانها امر غيبي وبيبقى مدعاة ممكن يكون فرصة ان هم يسخروا - [00:07:21](#)

يا اما واحد بينجح في الاختبار بانه يدخل قلبه خشية الله لما بيسمع الموضوع ده واما انه بيسقط في الاختبار وبيسخر اذا شجرة الزقوم اللي ربنا ذكرها في القرآن هي فتنة اي اختبار بيكشف الظالمين في الدنيا - [00:07:45](#)

ده احد التفاسير طبعا يعني انا عارف كل لسة النهاردة اخ برضه باعت لي بس فيه تفسير تاني في كلمة المصدقين ايوه يا جماعة ما انا قلت لكم انا بختار احد التفاسير ده مش درس تفسير عشان اعرض فيه - [00:08:03](#)

كل التفاسير ونوسة مليح احنا اخترنا التفسير ده مش لازم فانا بجيب تفسير مناسب لعقلي وبتكلم فيه. طيب ايه هي بقى شجرة الزقوم دي اقرا الاية اربعة وستين انها شجرة تخرج في اصل الجحيم. الاصل يعني الجدر - [00:08:13](#)

يعني دي شجرة بتطلع في قعر الجحيم. القعر الجنة الواحد يتمنى طعام يفتح يلاقيه قدامه مش محتاج يقوم لغاية البوفيه ما فيش حاجة كده انت اتمنيت حمام محشي اناك حمام محشي قدامك على طول. ايه ده - [00:08:34](#)

النار بقى لأ اللي عايز ياكل فيه شجرة في قعر جهنم. وكل ما الشخص يشعر بالجوع بيضطر ينزل للقاع عشان ياكل منها بص الواحد بيتحمل الجوع لغاية ما يبقى الم الجوع - [00:08:51](#)

اكبر من الم انه يقوم وينشط ويعمل لنفسه اكل. يعني مسلا ييجي واحد يقول لي ايه؟ انا جعان. اقول له طب قم حضر لك حاجة في المطبخ كلها بيقول لك لا يعني مش جعان قوي كده - [00:09:11](#)

يعني ايه؟ يعني هو قارن الم الجوع بالتعب اللي هيبيدله عشان يقوم يحضر اكل وبعد ساعة يقوم ناطط من الكرسي ورايح ايه! مش كنت بتقول مش مش جعان اوي! لأ دلوقتي جعت اوي اوي بقى لدرجة ان انا الم الجوع بقى اكبر - [00:09:26](#)

من الم التعب انا اقوم احضر. مم. طيب احنا بنتكلم بقى على شجرة في قعر الجحيم والجنة دركات. اسوأ دركة. الدركة الاخيرة ان المنافقين في الدرك الاسفل من النار. اسوأ - [00:09:45](#)

حر واكثر عذاب للمنافقين. المنافقين دول على فكرة اسمهم مصطفى واحمد ومنى عشان انتم عارفين بس آآ فدول دول اسوأ بقى

اسوأ منزلة قعر الجحيم ده اللي هو احر مكان فيه شجرة عشان اللي عايز ياكل - [00:10:02](#)

جعان طيب انزل يعني ايه ؟ يعني هيبدأ لما الجوع يقرصه قرصة شديدة جدا لا تطاق هيضطر ان هو ينزل ويزود في العذاب بتاعه بتاع الحر عشان ياكل خلي بالك سبحان الله! ده ممكن يكون اللي بيحصل له كده ده وعمال ينزل عشان خاطر ينزل الى اصل الجحيم وياكل من شجرة الزقوم دي ممكن يكون في الدنيا - [00:10:19](#)

سيد عنده عبيد بيعزبهم ويجوعهم وهم دلوقتي العبيد بتوعه دول في الجنة قاعدين بياكلوا من اكل الجنة وبيشربوا مشاريب الجنة وقاعدين القعدة الحلوة والفرشة والسعادة والكلام ده كله في الجنة - [00:10:51](#)

تخيلوا تخيلوا وهو قاعد بياكل بقى ايه من شجر الزقوم من طعام النار. اللي مهما الواحد اكل منه برضه مش بيشتبع. خلوا بالكم. في سورة الغاشية ليس لهم طعام الا من ضريع. لا يسمن ولا يغني من جوع. فطبيعة طعام النار سواء الزقوم او الضريع او - [00:11:07](#)

ايه تاني اه الحاجة الثالثة اللي بياكلوا ايه المهم اه انا بفتكرها. اه سواء الزقوم او الضريع او كده لا يسمن ولا يغني من جوع. ما بيشبعش فبيجب احباط يعني نازل كل ده في النار وعمال يقاوم وعمال يتحمل حرارة شديدة جدا اكثر عشان خاطر يخش ياكل يملى بطنه - [00:11:31](#)

ولسه الم الجوع زي ما هو يجي له احباط اهل النار بيملوا بطونهم وما يشبعوش. هم كانوا كده في الدنيا على فكرة بيملوا بطونهم وما يشبعوش آآ فيبقى الم الجوع يبقى زي ما هو - [00:11:58](#)

حتى الم الجوع ما بيخفش اقرأ معي بقى اربعة وستين وخمسة وستين انتم واخدين بالكم من الفرق بين حلقة النهاردة وحلقة امبارح مش فرق السما والارض. فرق فرق الجنة والنار - [00:12:13](#)

اقرا معي اربعة وستين وخمسة وستين مش ستة وستين انها شجرة تخرج في اصل الجحيم طلعتها كانه رؤوس الشياطين فانهم لآكلون منها فمالتون منها البطون. خلي بالك ما قالش ثمارها قال طلعتها - [00:12:27](#)

الاية خمسة وستين طلعوها كانه رؤوس الشياطين الطلع بيبقى زي ثمار النخلة. مدلدل من الشجرة ايه بقى اللي مدلدل من شجرة الزقوم قال لك طلعوها كانه رؤوس الشياطين في تفسير يقول - [00:12:54](#)

ان ربنا اطلق العنان للعقل عشان يتخيل رؤوس الشياطين شكلها ايه؟ شكلها قبيح اكيد لكن الحقيقة مش ده التفسير اللي انا بحبه التفسير اللي باخد به هو ان الشيطان من اسماء الحية في اللغة العربية - [00:13:12](#)

آآ وده الاوقع لان لما ربنا يضرب مثل بشيء مش معقول يضرب مثل بشيء مش معروف يعني الغرض من المثل الشرح. يقوم يضرب لك مثل بشيء مش معروف يعني مش قادر اتقبلها يعني في التفسير دي - [00:13:35](#)

فرينا بيوصف شكل ثمار الشجرة معينة فبيدي لك مثل لها لازم يكون مثل بحاجة انت عارفها ده وجهة نذري الحقيقة ووجهة نذري المفسرين اللي قالوا ان آآ طلعوها آآ كأنه رؤوس الشياطين يعني رؤوس الحيات والثعابين - [00:13:51](#)

فتخيل بقى الشجرة في قعر الجحيم يعني اكثر مكان حر في الدنيا وكمان مش بتشبع الاكل منها وحتى مش منزر ولا لون المنزر الثمار بتاعتها مربع على شكل تعابين سورة الدخان - [00:14:13](#)

ربنا اخبرنا ان ثمار شجرة الزقوم بتغلي في البطون الناس آآ زي ما تكون آآ بتشعر الناس زي ما يكون في حميم يعني ماء مغلي وبيفور زي البركان جوة بطن الواحدة - [00:14:31](#)

سنة وستين فانهم لآكلون منها فمالتون منها البطون هياكلوا منها رغم منظرها وهيملوا منها بطونهم ومش هتشبعهم سبعة وستين ثمان لهم عليها لا شوبا من حينين. بعد ما ياكلوا بقى - [00:14:54](#)

والاكل عمال يحرقهم في بطونهم. ده الواحد بيعمل شوية حموضة بيبقى هيتجنن عاوزين يشربوا حاجة باردة طيب يطفوا النار دي. فيشربوا ايه؟ شوبا من حميم. الشوبن يعني ماء معكر مخلوط بشوائب شوبا - [00:15:16](#)

من حميم يعني بيغلي وبيفور هو كمان. الله يعني ماء وسخن وحاجة صعبة اوي الحالة دي ما كانتش تنفع بعد الفطار على فكرة اقرا سبعة وستين من تمانية وستين ثمان لهم عليها لشوبا من حميم - [00:15:37](#)

ثم ان مرجعهم الى الجحيم. ثم ان مرجعهم لالى الجحيم. خلاص اكلوا وشربوا وبطنهم بتتقطع من الغليان والפורان اللي فيها. وما شبعوش كمان والم الجوع زي ما هو. يلا بقى على فوق كل واحد فيكم ياللا على الجحيم بتاعه. ايه ده - [00:16:02](#)

ثم ان مرجعهم الى الجحيم. كل واحد يرجع على الجحيم بتاعه بقى. مش نزلتم وكلتم! ياللا انتم اتبسطمتم قارن المشهد ده بمشهد اصحاب الجنة امبارح الكلام ده بيخلي وبص اللي موجود في القرآن مزهل بيخليك مش قادر تنطق - [00:16:22](#)

ازاي بشر يكتب كلام زي ده اصلا استحالة مهما كان عبقرى طيب الكلام ده بقى يا جماعة بينزل امتى ؟ على الرسول عليه الصلاة والسلام وعلى الصحابة. وهم لسة خارجين ما بقلهمش كم شهر من حصار - [00:16:42](#)

تلات سنوات في شعب ابي طالب اكلوا حشائش الارض لغاية ما بقت الفضلات بتاعة الصحابة رضوان الله عليهم تشبه فضلات الماعز لانهم بياكلوا الحشائش اللي الماعز بتاكلها تلات سنوات ما حدش بيشتري منهم ولا يبييع لهم - [00:16:59](#)

ما فيش تعامل معهم خالص سيدنا سعد ابن ابي وقاص بيقول خرجت ذات يوم ونحن في الشعب في التلات سنين بتوع الشعب دول خرج في يوم كده قال لك لاقضي حاجتي عشان يعني آآ يعمل زي الناس - [00:17:20](#)

فسمعت قعقعة تحت البول سمع البول بتاعه اعزكم الله بينزل على حاجة حاجة بتطرقع حاجة ناشفة بتطرقع فاذا هي قطعة جلد فهي فاذا هي قطعة من جلد بعير يابسة. طلعت حته جلد - [00:17:37](#)

قديمة ناشفة بتاعة بعير هل فاخذتها فغسلتها ثم احرقتها احرقتها ورددتها يعني ايه ؟ يعني آآ طحنتها بقت كده بقت آآ بودرة وسففتها بالماء فتقويت بها ثلاث ليال تخيلوا بقى الشعور بتاعه بيواسيهم من فوق سبع سماوات بالكلام ده - [00:18:02](#)

ويجبر خاطرهم ويخبرهم ان اللي عملوه ده مش هيعدى اللي عملوه فيهم مش هيعدى كمان هم الصبر بتاعهم هيخليهم من اهل الجنة. وطعامهم صفته كزا وشرايبهم وكأس من المعين. صفة صفاتها كزا - [00:18:37](#)

والقعدة بتاعتهم صفاتها كزا والصحبة بتاعتهم صفاتها كزا. والجمال اللي شفناه امبارح ده. واللي عمله فيهم كده وحاصروهم في الشعب دول مصيرهم العذاب الابدى في الجحيم والاكل هيكون من زقوم والشراب هيكون شوبا من حميم يعني ماء قزر بيغلي -

[00:18:57](#)

ميه سخن حاجة مش معقولة يعني يعني تصور شعور الصحابة وربنا بيواسيهم بالشكل ده. تخيل ربنا يواسيك انت بيقول لك حقك عندي هاخذ لك حقك وثوابك عندي كبير ومنتظرك ده مش هيهون عليك؟ - [00:19:16](#)

خليك مستعد تتحمل عذاب اكثر في الدنيا. عشان بس توصلك رسالة زي دي من الرحمن سم بعد كده ربنا بيشرح لنا هم ليه بيعذبوا كده في النار ليه بقى ؟ اقرا تسعة وستين - [00:19:38](#)

انهم الفوا اباؤهم ضالين. دول وجدوا ابائهم ضالين والصحابة كمان اباؤهم كانوا ضالين لأ في فرق اقرا سبعين فهم على اثارهم يهرعون هم مشيوا على نفس خطوات ابائهم واجدادهم ربنا مش بيحاسبهم على عقيدة اجدادهم ابداء. ربنا بيحاسبهم على عدم

الموضوعية اللي عندهم - [00:19:54](#)

على تقليدهم الاعمى للاباء والاجداد ربنا بيحاسبهم على تفضيلهم لتراث الاباء والاجداد على التمسك بالحق الناس اللي بتفخر قوي بالاجداد اللي كانوا على الباطل اقرا واحد وسبعين واتنين وسبعين وتلاتة وسبعين واربعة وسبعين. اقرا معي من واحد وسبعين لاربعة

وسبعين - [00:20:24](#)

ولقد ظل قبلهم اكثر الاولين ولقد ارسلنا فيهم منذرين انظر كيف كان عاقبة المنذرين الا عباد الله المخلصين معظم الاولين معظم الاجيال السابقة ضلت هي كمان ولقد ضل قبلهم اكثر الاولين. لان الانسان هو الانسان. مش بيتغير - [00:20:48](#)

مممكن تتغير وسيلة الانتقال اللي راكمها فبعد ما كان بيركب حصان مسلا او آآ بغل او او او بعير او بتاع بقى بيركب سيارة بيركب طائرة لكن هو هو نفس البني ادم - [00:21:19](#)

مممكن تتغير الملابس بتاعته مسلا والزي بتاعه في بعد ما كان بيلبس الايزار يلبس بنطلون. لكنه الانسان هو هو مش بيتغير وطريقة تفكيره وهي هي مش بتتغير. فبيمشي وراء شهواته زي من الف وخمسميت سنة جده ما كان بيمشي ورا شهواته - [00:21:32](#)

ويفضل يفضل شهواته واهواؤه على الحق هو ممكن يقف مع الباطل من اجل مصالحه ومن اجل شهواته اقرا اتنين وسبعين ولقد ارسلنا فيهم منذرين. فانظر كيف كان عاقبة المنذرين. وربنا برضه لم يظلمهم - [00:21:48](#)

ابائهم برضه واجدادهم لانه ارسل فيهم منذرين. ارسل بينهم ناس انبياء ورسل وناس تنذرهم بص شف اللي ربنا انذرهم راحوا فين ؟ راحوا النار فانظر كيف كان عاقبة المنذرين. ربنا بيقول لك انظر شف بقى عاقبة المنذرين كانت بقت ايه؟ راحوا النار - [00:22:07](#)

ما تصور انت بقى رد فعلهم كان ايه نحو انبيائهم. خلاص مفهوم. ربنا بيقول لك ارسلت فيهم منذرين فبص راحوا النار اهم. يبقى هم عملوا ايه مع الانبياء بتوعهم؟ انت بقى بعقلك مفهوم طبعا - [00:22:30](#)

مفهومهم هم عملوا ايه؟ لم يستجيبوا لانبيائهم كذبوا انبيائهم عزبوا انبيائهم بس طبعا مش كلهم. دايمنا هناك فئة مؤمنة قلة لكن دايمنا في فئة مؤمنة ربنا يجعلني واياكم منهم. اقرا اربعة وسبعين الا عباد الله - [00:22:44](#)

المخلصين وبرضو فيها قراءة الا عباد الله المخلصين من امبارح برضو آآ شفناها في الايات بتاعة امبارح يعني ايه معناها؟ ان الناس اللي اخلصت لله عبادتها مخلص يعني بيخلص هو عبادته لله ونيتته بيخلصها لله - [00:23:00](#)

ربنا بيخلصه ربنا اخلصه. فبقى مخلص. فالمخلص مصيره انه يخلص وربنا بيقى ويخليه من المخلصين. وربنا يطهره من دون الناس آآ اجمعين الا عباد الله المخلصين جعلني واياكم منهم ونتوقف هنا الليلة - [00:23:23](#)

اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغا لنا فيما تحب - [00:23:44](#)

اللهم اجعل حبك احب الينا من اهلينا واموالنا ومن الماء البارد على الظمأ اللهم حبيننا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين - [00:24:01](#)

اللهم احببنا لقلوبنا بحبك واجعلنا لك كما تحب اللهم اجعلنا نحبك بكل قلوبنا ونرضيك بكل اجسادنا. اللهم اجعل حبا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلء احزاننا وذهاب همومنا وغمومنا ومغفرة ذنوبنا - [00:24:23](#)

اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم بحق كل حرف في كتابك تلغنا او تدبرناه اكفنا واهلينا شر كل من يكيد لنا ولو - [00:24:48](#)

واحفظنا واياهم من شرورهم. ونجعلك اللهم في نحورهم. فانت الوكيل ولا حول ولا قوة الا بك اللهم من قضى منا بالوباء المنتشر فاكتبها له شهادة ومن كان منا او من احبابنا او من اخواننا او من اخواتنا او من شيوخنا او من علمائنا مريضا به او حاملا له فالبسه ثوبه - [00:25:03](#)

بالصحة والعافية عاجلا غير اجل ومن لم يصب به فقهه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على - [00:25:26](#)

دعوتك وتعاهدت على نصره شريعتك فوثق اللهم رابطتها وادي مو الدها واهدها سبلها واملأها بنورك الذي لا يخبو. واشرح صدورنا بفيض الايمان بك وجميل التوكل عليك. واحببها ربنا بمعرفتك وامتها يا مولانا على الشهادة في سبيلك - [00:25:49](#)

انك نعم المولى ونعم النصير. والسلام عليكم ورحمة الله وبركاته ونراكم غدا باذن الله في نفس الموعد ان كنا من اهل الدنيا - [00:26:10](#)